

庫

六十一

眼目

古今醫統

法也世人不知冰片為劫藥而誤認為寒常用點眼遂至積熱入目而漸昏暗翳障故云眼不點不害者此也又不知外治寒涼而妄將冷水冷物冷藥挹法當致昏暗者有之

目病發壅腫兩臉如桃合而為一痛不可忍者宜用**防風通聖散**下之立愈

血氣壅痛**四物湯**加龍膽草防已防風羌活之屬

實熱上衝而痛黃連瀉火當歸補血心煩加梔子便秘加大黃

久病目昏當用**八瓊湯**加羌活防風甘菊佐之不可服寒涼之藥

肥人風熱上壅目痛防風羌活荆芥酒芩以散濕熱

瘦人血少血熱用養血涼血藥少加風藥宜生地**四物湯**芩連荆

芥菊花防風之類

勞役飲食不節內障昏暗蔓荊子湯

瞳子散大

瞳子散大由食辛熱之物太甚故也所謂辛主散熱則助火上乘於腦中故精散而視物亦散大也夫精明所以視萬物者也今視物不真則精衰矣蓋火之與氣勢不兩立故經曰壯火食氣壯火散氣手少陰足厥陰所主風熱連目系邪入中人各從其類故循此道而攻頭目腫悶瞳子散大皆血虛陰弱故也當除風熱涼血益血以收耗散之氣則愈矣

拳毛倒睫

拳毛倒睫之病為脾受木邪風火糜害故兩臉受傷外緩內急之所致也蓋內復熱致陰氣外行當去內熱并火邪眼皮內緩則睫不倒拳毛立出翳膜立退治用手法掉出內瞼向外以三稜去血左手爪甲迎其針鋒立愈

目眶赤爛

目眶歲久赤爛俗平為赤瞎是也當以三稜針刺目眶外以瀉濕熱而愈

不能近視

能遠視不能近視陽氣有餘陰氣不足也乃血虛氣盛蓋血虛氣盛者火有餘元氣不足也火為元氣之賊元氣來也徐而和細細

如絲邪氣來也緊而強如巨川之水不可遏也海藏云目能遠視責其有火不能近視責其無水宜東垣地之九主之

不能遠視

能近視不能遠視者陽氣不足陰氣有餘也氣虛而血盛也血盛者陰火有餘氣虛者氣弱也海藏云目能近視責其有水不能遠視責其無火東垣定志丸主之

辯赤脉始起治以分經

目痛赤脉從上而下者太陽也從下而上者陽明也從外散走內者少陽也太陽病宜溫之散之陽明病宜下之寒之少陽病

宜和鮮之

子和治一子年十餘歲目赤多淚衆攻無効戴人見之曰此子目

病得之母腹中被驚其父曰孕時在臨清被兵思戴人令服瓜蒂散加蔚金上湧下瀉各去涎沫數升人皆嘆之其母亦曰兒腹中無病何以吐瀉如此至明日其目輝然爽明安善趙君至目暴赤腫點洗不退偶思戴人有言曰凡病在上者皆宜吐乃以茶調散湧之一湧而目愈君王嘆曰法之妙其効如此乃知法不遠人人自遠法也

孫真人在仁廟朝治衛才人患眼疼衆醫不能療或用寒藥或用補藥加之藏府不安上召孫孫曰臣非眼科乞不全責於臣降旨有功無過孫乃診之肝脉絃滑非壅熱也乃才人年壯血盛肝血併不通遂問宮人月經已三月不通矣遂用通經藥經既通不日

目疾愈上賜孫三十萬緡宮人謠曰神醫不來雙睛難開

予和嘗目病目或腫或翳羞明隱澁百餘日不愈忽眼科張仲安云宜刺上星百會擗竹絲空諸穴上血出及以草莖內兩鼻中出血約升許來日愈大半三日平復如故此則無實心破之之法也藥方

芍藥清肝散 治眇多眊瞋緊澁羞明赤脉貫睛臆府秘結

白朮

甘草

川芎

防風

荊芥

桔梗

羌活

芍藥

柴胡

前胡

薄荷

黃芩

山梔

知母

各五分

滑石

石膏

大黃

芒硝各八分

水二盞煎一盞食後服

洗肝散 治風毒上攻暴作目腫痛澁難開眵淚不絕

川當歸

羌活

薄荷

梔子

芩藟

生地黃

防風

大黃

龍膽草

甘草各等分

為末每服三錢白湯調服

平肝散 治迎風冷淚

川芎

當歸

赤芍藥

防風

荊芥

柴胡

羌活

蟬退

菊花

蔓荊子

白芷各五分

生地黃

膽草

各八分

夏枯草一錢

甘草三分

右水二盞煎一盞去渣加酒一盃同服

洗心散 治心經積熱四散赤澁痛淚

黃連

生地黄

錢各一

菊花

當歸

各八分

木通

梔子

各七分

甘草

四分

水二盞煎一盞食後溫服

防風通聖散

治時行暴熱風腫火眼腫痛難開或頭面俱腫

防風

荆芥

當歸

川芎

赤芍藥

麻黃

薄荷

桔梗

黃芩

梔子

石膏

白朮

連翹

大黃

朴硝

各等分

每服五錢水二盞煎食遠溫服

涼馬散 治馬上積熱攻頭目腫痛赤澁

黃芩

梔子

薄荷

甘草

大黃

連翹

朴硝各等分

右為細末每服三錢白湯調下食遠服

明目流氣飲 治肝經虛邪風熱上攻眼目昏花當風多淚怕日

羞明赤澁難開或生翳障倒睫拳毛眼弦赤爛及婦人風暴赤

眼包翳黑應作眼疾皆効

大黃

川芎

大力子炒

菊花

防風

細辛

白蒺藜炒去刺

梔子

黃芩

玄參

蔓荊子

草決明炒

荊芥

木賊

蒼朮各等分

甘草

右為末每服二錢卧時飲湯或酒下

蟬花無比散 治大人小兒遠年近日一切風眼氣眼攻注昏瞶

臉生風粟或痛或痒漸生翳膜或久患頭風牽搐兩目漸漸細

小眼匡赤爛並宜治之若常服此祛風退翳明目

蛇退炒一兩

蟬退去頭翅一兩

羌活

當歸

石決明鹽水煮一時 川芎各二兩

白蒺藜炒去刺八兩

蒼朮

防風

芍藥

茯苓

甘草各三兩

右為末每服三錢食後米泔調服

還陰救苦湯 治日久病白睛微變青色黑睛稍帶白色黑白之

間赤如帶謂之色輪紅視物不明昏如霧露中睛面高低不平

其色如死甚不光澤口乾舌苦眵多羞淚上焦有熱

升麻

蒼朮

甘草

知母

防風

羌活

川芎

枳殼

細辛

二錢

藁本

酒洗四錢

紅花

一錢

桔梗

半兩

黃連

黃芩

黃蘗

歸尾

各七錢

連翹

生地黃

膽草

各半兩

右為粗末每服六錢水二盞煎一盞熱服

菊花決明散 治風熱毒攻平生翳膜赤脉貫睛羞明多淚漸成

內障暴發客熱並宜服之

草決明

炒

石決明

製

羌活

甘菊花

蔓荊子

川芎

黃芩

木賊

石膏

甘草

各等分

右為細末每服二錢水一盞煎七分連末服

東垣當歸龍膽湯 治眼中白翳

防風

石膏

柴胡

羌活

五味子

升麻

各三分

甘草

黃連

黃芪

各五分

黃芩

酒炒

黃柏

酒炒

芍藥

龍膽草

酒洗

歸身

各八分

右水二盞煎一盞 查入酒杯餘熱服

瀉熱黃連湯 治內障眵淚眊

黃連 酒炒

黃芩 酒炒

生地黄 酒洗

龍膽草 酒洗 一兩

柴胡

升麻 各半 兩

右為粗末每服三錢水一盞煎八分午後熱服

萬應蟬花散 治一切眼疾眵多怕日上焦邪熱

蟬退

蛇退 各三錢

川芎

防風

羌活

炙甘草

蒼朮

赤芍藥

當歸

白茯苓 各一兩

石決明 製半兩

右為細末每服二錢食後臨臥米飲調下

無比蔓荊子湯 治眼稜緊急以致倒睫拳毛損睛生翳及上下

臉散赤爛羞澁難開眵淚稠粘

蔓荊子

當歸

葛根

防風各五分

人參

黃芪各一錢

細辛

甘草各三分

黃連

柴胡各一錢

水二盞煎一盞食遠熱服

助陽活血湯 治眼睫無力常欲垂閉或痛或昏

黃芪蜜炙

甘草水浸炙

當歸酒洗各五分

白芷四分

蔓荊子炒

防風

升麻酒洗各五分

柴胡七分

右作一服水二鍾煎一鍾食遠稍熱服

當歸養榮湯 治清珠痛甚血少枯澁

當歸

川芎

芍藥

熟地黃

防風

白芷

羌活各八分

右水二盞煎一盞食後熱服

羌活勝風湯 治多眊燥眩澁羞明赤脉胗睛頭痛鼻塞腫脹

涕淚腦顛沉重肩骨痠痛外翳如雲霧絲縷秤星螺蓋

白朮

枳殼

羌活

川芎

白芷

獨活

防風

前胡

桔梗

薄荷葉

荊芥穗

甘草

羌胡

黃芩酒洗各五分

水二盞煎一盞熱服

羌胡復明湯 治一切風熱赤澁多淚疼痛翳陷

藁木

蔓荊子

川芎

白芍藥

羌活

獨活

白芷

柴胡

炙甘草

五味子

薄荷葉

桔梗

蒼朮

米泔浸

茯苓

黃芩

酒洗各五分

右水二盞煎一盞食後溫服

中和養胃湯 治內障初起視覺微昏空中有黑花神水變淡綠

色次則視岐覩一成二

柴胡

白茯苓

當歸

各八分

五味子

九粒

白芍藥

黃芪

羌活

炙甘草

防風

各五分

人參

白朮

升麻